

天一閣集

天一閣集卷之十

四明范欽安卿 著

林熙載置酒郊亭用韻奉酬

追隨初出峽宴賞共登臺  
河柳千門映江雲萬里來  
時平同太古地勝擬蓬萊  
鳥應歌鐘發花催舞席開  
瓊杯方入手畫角漫興哀  
斗柄斜侵漢霜華暗蝕苔  
留懽追往事作賦耻非才  
輸君紆妙畧早已淨氛埃

再贈熙載

久蘊平蠻畧今登上將臺  
江喧簫鼓動霜擁節旄來  
校陣馳貔虎分中關草萊  
煙雲五嶺淨天日百蠻開

有馬常騰蹏無依不罷哀人閑歌白苧客至掃蒼苔  
碁局東山興詩書晉國才封侯他日事蕭洒出塵埃

翠山北行尋桃川蘭若往袁子讀書其上

名山登覽罷泉興泝深溪獨院青霄裏千峯落日西  
曲穿蘿逕入峭傍石門躋啄木喧禽語啣花赴鹿蹄  
晴霞輕嫋嫋水霧澹淒淒漸覺前旌轉猶聞後騎嘶  
停林詢野父近谷得招提窈窕松丘合逶迤竹戶齊  
階隅調白象澗底積青霓梵動從風湧床虛受月低  
危厓初過虎子夜忽聞鷄妙得浮生理欣陪靜者棲  
四禪心不染七聖路寧迷爲拂青藜照相將續舊題

壽母厓無促北上

聖代羅豪彥明公邁等倫多才堪媿旦間氣自生申  
曆數歸

英主瞻趨列近臣寸心期轉日九死竟批鱗俄輟螭  
頭筆遙驅嶺左輪遲迴供冗散涉歷備酸辛望比王  
尊重家仍原憲貧人言成貝錦吾道合鱸尊解佩歸  
江左垂綸狎海濱深心扶漢鼎閱世應莊椿寂莫厓  
時畧蹉跎報

主身江淮饒寇盜廊廟急咨詢優詔三天下雄圖八  
陣均亟須馳露布早爲靖煙塵出入陪朝論崢嶸秉

國釣殊勲懸日月遺像盡麒麟可戀丘林卧而忘天  
步屯雕孤門隙在華髮鏡中新撫事迴千古輸心更  
幾人黃金他日賜歸待樂餘春

壽吳徵君

南極流輝日磻溪應卜年祥分三島地慶接一易天  
里挹仁風舊人誇景福全貌同河上叟身勝閬中僊  
玩弄乾坤裏逍遙日月前興高携玉杖調古發朱絃  
早勵柴桑節時稱淇澳篇茲辰高會啓竟日樂情牽  
湖上晴橈動堂中綺席聯弟兄皆白髮賓從盡朱軒  
瑞酒千鍾洽華燈四座鮮碧桃瑤水至青鳥緹城傳

世代逢三五春秋定八工心期方浩浩禮度益虔虔  
登薦慚無路遭逢幸有緣儒生推太老太守秩初筵  
盛事傳遐邇鴻名溢後先頭陪賓從末歲歲祝星躔  
送人尉六合

江左今名尉翩翩去若僊門臨淮海樹山抱石城天  
王氣諸陵近流風六代傳徵求疲此日簡拔屬芳年  
共擬郊生幕還添宓令絃風程催曉發江草入春妍  
鳥度雲霄上嵇迴牛斗邊壯懷成獨嘯新政向誰先  
鄭國輿人訟漢廷循吏編好將今夜思千里月同懸  
送鮑少府之長沙

年少風流客長歌別

帝鄉傳綸臨近甸立馬問何方楚塞千峯合江流九  
派長花時過漢浦雲裏出瀟湘靜夜清猿嘯連天叢  
竹芳稱歌傾下里入夢得高唐望望長沙近飄飄逸  
思翔地卑非漢代春滿似河易祗擬才名振何嫌簿  
領忙汨羅蕭瑟甚佇爾薦椒漿

送倪叅軍赴汴

天地敞中原清時列巨藩封疆連楚甸花竹擅梁園  
河向龍門闢宮餘鳧沼存昔賢頻入賦過客幾銷魂  
偶屬分符去言陪開府尊雪中催授簡月下待停軒

澤雁何年咏溟鵬計日騫陳琳工述作時譽許同論  
壽聞太宰石公

石砧落三朝傑崢嶸百代芳鍾靈標海嶽名世重珪璋  
天路逢嘉泰巖居志慨慷許身侔稷契獻賦陋班揚  
首應彤宮祝隨含盡省香寅清三禮秩欽恤五刑  
祥凶豎身膏劍臣僚氣吐芒天曹俄踐歷地望益明  
昌嚴冷包京兆清脩漢奉常兩京均踐歷八座備翺  
翔聰履星辰上垂紳日月旁赤心扶社稷素節凜冰  
霜宇內崇冠冕朝端倚棟梁虛懷方抑抑偉度更昂  
昂世路趨澆競



皇心急翼匡臨軒咨岳牧揆它領巖廊握髮延多士  
宣猷正四方型模憑陸相藻鑑掩裴郎當宁褒嘉數  
儲宣羽翼良好資商趨葉還補舜衣裳勲業懸麟閣  
心期慕鈞航上書辭剴切解珮思飄揚天漢翔鴻鵠  
郊原起鳳皇塵氛從脫灑雲物恣徜徉把酒香山社  
行吟綠野堂菊松森寄傲蘭桂儼成行展席華燈簇  
分階翠竿張西池供玉饌南極炫瑤光海上兵戈偃  
山中歲月長天心眷平格皇極錫康疆詎藉飛僊術  
真成大老鄉蒼生猶望謝綺皓漫辭商格力支千障  
風聲激四荒迂愚慙倚玉拜舞頭稱觴

聖代優耆舊行看使問將

壽王令母

昔羨劉生傳今知王母賢國風羅衆懿庭訓謝三遷  
葉鳥過逢地潘輿迎侍年堂開萱映日極煥發行天  
青鳥啣書至瑤池錫宴偏霞文迴密幄桃實薦初筵  
壽域開山海徽音昭簡編崇封

昭代典計日下甘泉

示冲潛

金陵放榜日白髮倚廬時門戶百年計雲風萬里期  
爾俱仍落魄吾獨歎支離世態營營見年光冉冉催

漫矜和氏璞，須下董生帷。深夜親燈火，隨時節酒卮。  
游徒停客禮，莊士作師資。業擅雕龍技，文高倚馬辭。  
有才寧不達，無志欲何爲？騏驥輕千里，鷦鷯足一枝。  
楊朱曾泣路，墨子亦悲絲。曠迹常聞古，幽懷可對誰？  
道窮惟藉子，肱折始諳醫。駟馬題何在，桑榆力可施。  
三年看轉瞬，萬事待留思。而父緣何意，淒涼賦此詩。

贈樓廷式

海上多奇士，君應沮溺徒。名家餘閎閎，勝跡半江湖。  
服食嵇康訣，丹青摩詰圖。霏談雄白馬，僊術擅青烏。  
客過常滿籩，金揮屢無興。來常鼓缺醉，後更呼盧。

神已游方外名猶動海隅行年逾七十玩世足懽娛  
卧覺丹丘穩行看滄海枯王喬如可挾待爾命雙鳬  
和竹墟東沙二月朔山亭小集值雪

病居常謝客見雪思偏嘉已過三陽候還開五出花  
寒聲迎霰合弱舞受風斜天迴銀爲闕江澄玉作沙  
喜扳梁苑蓋嬾放剡溪槎拂酒青尊盡催詩彩筆賒  
未須嗟物意且復惜年華知有金貂在明朝付酒家  
分題它山贈鵬江王太守

平疇曠無際孤障倚穹蒼地據句章會占分牛女疆  
綠厓紛紫蘚俯澗積玄霜賦就嗤孫綽祥開肇李唐

一  
月集卷之二  
溉田均芴水結堰擅梅梁祠宇靈神妥王公春秋俎

豆香仁風猶鼓盪勝槩可淒涼欲識千齡後英風共

二王

贈李教授逢期移官鎮海

於越饒名博如君獨擅場談經崇古易採藻陋長楊  
直以身爲率因之道愈光歌羅席簪冕出宮牆  
拜

命仍今秩之官即故鄉時平捐武衛藝古洽文昌帳  
下英群集橋門化四揚神龍翔巨沼威鳳在高岡蜃  
氣朝看海江聲夜到床有懷班管屬無事淨琴張器

表明堂選名高大國香佇應丹鳳詔馳下七閩陽

壽期齋呂少傳年丈

國運逢開泰台樞異等倫載熙曾頌禹嶽降復生申  
靈爽高龍馬禎符協鳳麟綜書侔左相摛藻薄先秦  
賢俊羅初設天人策最醇簡由金馬列儲作玉堂珎  
信史麟編富文衡鶚薦頻兩都均出入六館荷陶甄  
時論崇爲弼

皇心喜作隣丹書披爛熳黃閣上嶙峋直以聲華舊  
還資啓沃新調羹供鼎彝補衮侍絲綸有相持權倖  
惟公昭念純超朝方翼翼開閣更恂恂造膝謀衢室

披神妙鉤天曹借水鏡雲路關荆榛寅亮周三少  
都俞辟五臣鴻名施遠慕駿烈切高旻畢慮期

明主壯身屬老親貌摧經草土心倦戀鱸蓴曠達陶  
元亮肅通賀季真東山時結社北海日留賓抗節堪  
繩俗捐資爲濟貧蒼生懷睠望黃髮備咨詢典禮千  
齡會乾坤八表人西池王母儷南極壽星臻

詔問个天上榮光徹海垠華驄超命亟青鳥獻壽馴  
庭引對天樂溪停渭水縉錦輿時代步玉粒歲分困  
疏傳金徒渥康侯錫已陳雲風開氣色川岳表精神  
一佛誇天壤三朝邁縉紳遶階紛寶程閱世北莊椿

子晉稱先駕安期定後身壺中旅甲子子公甲榜下竊  
壬辰公是明堂幹愚猶清路塵幾年滄斗座一水接  
江津燕賀心期在龍門禮數均碩携千日釀恭祝萬  
年春故事尊更老徵車佇

紫宸



天一閣集卷之十一

四明范欽安卿 著

妙高寺次陸舉之

梯石捫蘿一徑深百年臺榭此登臨  
峯迴不辨煙霞色日暮惟聞鐘磬音  
錦樹蒼流催朔氣浴鳥飛鷺滯秋陰  
江山到處堪乘興敢向明時學楚吟

江行

野艇臨江江晝漫輕帆細浪足心寬  
當窓白鳥窺人下夾岸飛花何意繁  
暫倚清尊供日暮未須鳴珮濫朝端  
晚涼兀坐微寒進一曲那堪行路難

聚石寺

野閣亭亭結竹扉，攀雲扣石興無違。  
亂蜂趁日故相語，落鴈衝風還自飛。  
北望煙霜連海嶠，南來烽火逼淮肥。  
時高麗掠鄆城年華寂寞孤蓬轉，嘆息徒看未息機。

訪朱侍御兩厓

深山茅屋平臨市，近水蒹葭曲抱沙。  
不礙煙蘿來客訪，祇煩鷗鳥背人斜。  
杜陵涕淚傷秋序，謝傅行藏老歲華。  
悵望亭臺堪結並，邈徊塵土一悲嗟。

別友人

朔風江上催孤棹，塞鴈天邊逐暮雲。  
悵望十年常把

袂淒涼此日獨離群城笳入夜寒無定海樹驚秋細  
亦分便擬幽槭投問訊更隨佳氣泝氛氲

送外弟黃資安

薊門二月春氣妍吳門萬樹花可憐放歌南下截江  
海倚斗北望凌雲煙日落草塘夢初轉夜來風雨愁  
俱牽婆娑芳桂幾叢發採掇遲爾滄江邊

同俞禮卿王惟禎覲還至新城酬次惟禎二首

漢使星槎辭上國燕郊風物媚芳年千門煙柳催春  
市雙闕星河澹曉天香霧欲迷花逕騎梅風先叶禁  
宮絃逢時不羨終軍貴濟世還需賈傳賢

紫蓋朱旂輝去路黃塵蒼髮變流年賞心正值闌南  
地佳氣還瞻極北天夾道雲山紆曉障分林花鳥韻  
春絃參差倚玉忻今賞爛熳揮毫空音賢

清明汶上

春風駘蕩春日晴千村萬村花鳥鳴沿溪闢草此鄉  
俗隔岸賣花何市聲不向天涯愁寂莫秖須馬上度  
清明勞歌日暮流飈發映燭吟詩興轉生

在平驛次惟禎

野館蕭疎百鳥屯間雲斜日掩空門具樓正憶東山  
屐乘興誰開北海尊淅淅風燈喧僕御萋萋春草泣

王孫明發關門逢候吏指揮應仗五千言

李進士遷使還

金書玉節下天關蜀雲滇雲萬里間去愛僊槎低北  
斗歸看壽筭對南山香携漢殿春雲細綵映萊庭晝  
日間待奉絲綸馳

帝陛早留詞賦遍人寰

秋懷

一從

恩詔下宜陽朔月關雲道路長海內故知渾落莫天  
涯魂夢各迷茫著書翻笑虞卿拙投賦先驚楚客狂

白芷青蘋常好在欲將生事問江鄉

夏晚春臺同陳子器楊吉甫

古臺斜日俯層巒長夏登臨草閣寒四海友朋聊對  
酒百年懷抱幾憑欄雲開衡岳江爭出地接中天月  
並寬臨發不禁仍極目祇緣西北是長安

燕關

燕關北去接諸邊遙想

文皇掃穴年一自龍驤還大內幾看烽火徹甘泉胡  
霜晝簇朱旂暗漢月秋高玉壘懸

廟畧祗今勤北顧誰將勲伐勒燕然

送舒長史振伯

關漏沉沉曙不遲，星車杳杳去何之。  
聽潮夜泊洞庭渚，觀日晴登衡岳祠。  
司馬少年猶浪迹，杜陵多病亦憂時。  
長沙自是恩深地，謾擬招魂吊屈累。

臺上

抱病憐春獨上臺，晴天樓閣掌中開。  
山形直枕重關盡，雲氣遙從北極來。  
久客獨深王粲思，憤時誰抱賈生才。  
黃塵古道行無定，白髮浮名老易催。

行經淮北戰場

荒沙古堞幾家存，百戰曾經萬馬屯。  
南下山川連極

海西來天地是中原常年草暗王孫路何夜龍歸漢  
帝魂指點壯圖俱寂莫只留霜月靜黃昏

懷蔡道卿

遙從京國別中郎忽漫相逢在豫章已羨聲光傾北  
斗况聞詞賦擅長楊水雲浩淼人千里星漢低迴月  
一方幾折梅花愁不寄鴈鴻群已背南翔

酬寄陳約之

昔年同綴金閨籍此日相從楚地居花發山城還憶  
汝鴈迷江國正愁予臨溪欲放王猷棹上漢空瞻博  
望車珍重新詩遙慰藉却慚瓊玖報難如



挽毛司馬歐少宰

兩朝耆宿歸休日四海瘡痍涕淚年屢擬徵書馳謁  
下忽驚哀訃到江邊精靈尚鬱空山氣勲業終垂太  
史編二老論心均感激不知懸劔向何阡

得家書

客來投贈錦雙魚中有纏綿尺素書未即親闌供色  
養且從江路慰離居天低嶺樹瞻雲近春到階萱愛  
日舒見說年荒艱粥食可能無計問樵漁

元夕弋邸燈燕會行不果赴簡省寮

名王燈宴誇元夜上客軒裳集異方坐擁綵雲催急

管醉留華月促飛觴香消水殿風初細漏出花宮夜  
未央長路驅馳一回首倍驚牢落在他鄉

送陳度支還朝便道省覲

燕門粵嶠路岐通戀

主寧親思不窮落日獨行千嶂外青春相送百花中  
河關月出波濤湧海甸霜驅瘴癘空借問北堂萱草  
色何如天上玉花驄

送朱主事北上

江鄉二月水煙饒碧柳青蘭入望遙去棹漸迎淮甸  
月離心先折秣陵潮曾趨玉殿瞻龍袞幾傍瑤池聽

鳳蕭京洛故人如有問爲言多病負

清朝

贈桑子木

御史當年直禁廬昌言勁氣可誰如一身忽墮滄江  
渺回首頻驚浮歲除家隔廣陵書未達天高宣室夢  
常虛五陵豪貴室相妬魑魅於今伴索居

三月三日雨阻往天池

三月三日寒陰霏江鄉風俗聞春衣自驚浮歲催蓬  
鬢誰傍清沙縱馬蹄岸柳汀花番寂寂黃鸝紫燕故  
飛飛僊宮滿地岩堯在他日開晴願不違

九日登高

常年九日競登臺無客今年罷舉杯地僻龍蛇寒浙  
浙城孤鴻鴈暮哀哀不禁蒼髮蕭疎甚何意黃花爛  
熳開弱水神山懸萬里欲從何處訪蓬萊

江夜

今夕何夕章江西欲行不行風霧淒淒飛燕子嬌無  
語半拆桃花紅不齊邊城將帥年年易荒村婦子家  
家啼惆悵無能報

明主向來心事轉淒迷

聞舍弟武卿下第就寧國令

煙花三月遍長安縱馬逢人得意看豈謂風塵終厄  
驥遂令枳棘獨棲鸞百年悶悶心情苦此去江湖道  
路難無柰草堂今夜夢相隨明月度闌干

楚望

方城漢水舊經過複殿高臺竟若何秋浦無葭天共  
遠巫山雲雨夜空多霜橫馳道迷瑯瑯月冷深宮罷  
綺羅三戶到今零落盡路人松柏自爲謠

送卜僉憲入賀

太平天子協神堯上壽忻開五夜朝萬國梯航陳玉  
帛九天宮闕煮簫韶微微曉月乘驄到脉脉香風引

珮搖江路相看不同往禁煙宮樹望迢迢

送李明府赴滇南

盛時文采動朝端萬里休嗟行路難金馬自宜高士  
到錦袍誰恤故人寒江城歷歷喧繁吹木葉蕭蕭下  
急湍早晚湘南梅又發凍枝踈蕊若爲看

秋夕有懷

晚涼河漢下秋城獨客關山夢屢驚浮世生涯空短  
鬢傍人風土亦虛名誰家砧杵頻年恨此夜星槎萬  
里情悵惘無因對尊酒祇須詞賦荅平生

聞叅廣藩作

檄書忽報下江鄉南去風程涉楚湘敢以親交希異  
擢祗緣踈嬾合遐方雲山五嶺歸侵土干羽諸蠻列  
舞行可道腐儒堪落魄伏波銅柱故相望

送人入覲

閭闔春催五夜開冠裳雲擁萬方來敷言共率虞庭  
典奏績真看粵客才日閃龍文盤幄殿風飄僊樂下  
蓬萊賜金贈秩應重睹不數當年郭隗臺

題夏子海橋草堂

僊家住近水晶宮碧石朱欄結構雄地控扶桑低出  
日波涵晴漢亘長虹淒清煙雨龍吟後明滅樓臺蜃

氣中漫向商山採芝木漢庭羽翼待元功

雪竇寺

貝宮窈窕翠微邊賜額遙傳宋帝年  
水迸銀河天上落屏開僊掌鏡中懸  
僧聞解說傳燈偈客至欣逢出世緣  
會待月明峯頂坐即從苦海泝諸天

次日宿上寺

尋山繚繞白雲鄉信步還宜陟上方  
地切星辰疑泰華殿餘檜柏自隋唐  
清秋早御三天氣靜夜時聞百和香  
坐久不知機事息萬峯深處月蒼蒼

千丈巖



空林初日演三車，騁足高峯覽物華。  
水落千巖飛作雪，雲流五色散成霞。  
薊門掩映青霄外，吳樹參差碧海涯。  
記取溪頭去時路，恐迷劉阮出桃花。

妙高臺

酒醒競上妙高臺，四望河山次第開。  
鏡裏晴光浮草樹，天中哀壑響風雷。  
探竒故有元暉興，作賦寧同王粲才。  
徒倚不禁毛骨爽，却看身世在蓬萊。

山中懷周大卿叅政

涼秋逸思滿滄洲，古寺名臺得勝遊。  
即向竹林憐窈窕，擬從蓮社共夷游。  
水山一曲頻回首，霜月千門靜

倚樓作賦登高今日事莫將塵土伴閒愁

杖錫寺

飛錫何年拂雨花萬峯迴合法王家青蓮暫結三生  
社銀漢初停八月槎風便夜傳天竺梵澗流晴帶武  
陵霞寰中五岳堪乘興悵望浮生未有涯

貽滋上人

峯迴路轉一珠林散帙焚香思獨深卓錫尚留千古  
跡買山猶負十年心霜橫絕澗激秋景鳥下平蕪起  
夕陰最是支公能愛客夜闌伏屨伴幽尋

贈陶忠夫移居以善醫推步聞

大隱城中喜卜居清泉白石稱幽  
虛春來好種先生  
柳門外時停長者車卧對星文移  
枕簟醉邀花色上  
簪裾回生更有軒岐術幾向晴窓  
學著書

行次水口別萬懋卿往貴藩時余亦轉滇南

首二

傾蓋江門屬往年同臺誼分更連  
翩詎知水口留懽  
地却是天涯送別筵路指百蠻叢  
竹外旌搖三楚夕  
陽邊征南羽檄今仍急誰贊昌言  
黼宸前

北風吹客向邊州立馬旗亭不可  
留雪後稀逢彭蠡  
鴈春來好上洞庭舟頻年軍國征  
輸盡此日朝廷簡  
拔優極目昆明吾更遠連天落木  
起離愁

龍虎山

春晴躍馬萬山間，紺殿珠宮次第攀。  
青鳥偶逢雲外落，瓊琚時向月中還。  
煙霞地僻迴三島，龍虎峯高闢九關。  
少小馳驅今白髮，風塵真愧此時顏。

昊天閣

名山突兀控神州，上有飛僊百尺樓。  
日月平臨滄海樹，雲濤散入大江流。  
風前雜珮飄鸞鶴，檻外靈槎上斗牛。  
真訣欲從何地問，洞門深鎖石函幽。

懷朱鎮山

異鄉回首忽經春，愁抱沉綿未易陳。  
望入海天雲正

杳夢回江館草初新簿書牢落三山客瘴癘驅馳萬  
里身朋舊知心今有幾可將寂寞負昌辰

安仁陸行寄豫章樵雲中尉

萍踪漂泊歲時過夢想高人卧薜蘿路斷長江春鴈  
杳天迴平楚暮雲多煙花滕閣淹車蓋風雨徐亭發  
嘯歌海內交游均骨肉萬峯回首意如何

再經袁州

五馬東馳歲屢遷重來風日正暄妍帆飛昌峽波濤  
靜路轉春臺紫翠連寇盜久堪原野靜人家半住水  
雲偏未論棠樹今多少華髮催人自可憐

留別何邦美侍御

山城一見客愁輕，華月淒風促去旌。  
吾豈范滂猶攬轡，君真何遜且逃名。  
川原草暗三春暮，海國雲盤萬里程。  
別後尺書應不惜，朋交意氣重平生。

長沙道中述懷

曉星催發長沙城，瘦馬不行如有情。  
溟海風煙香漠漠，湘江花樹紛盈盈。  
襟懷終日白雲在，世路幾年華髮生。  
麟閣勲名渾長物，北山何事渝初盟。

秦人洞

僊家遙住白雲關，碧石晴沙隔幾灣。  
海內久無秦社

稷洞邊猶認楚溪山桃花夾岸春天靜鷄犬深林晝  
日閒鼓枻好隨漁父去夜中乘月棹歌還

宿偏橋堡即事

極目昆明驛路遙轅門斜日暫停鑣天連鬼國虺蛇  
簇城對蠻江鼓角饒春暮鶯花猶寂寂夜深風雨忽  
蕭蕭籌邊漫道無長策干羽由來格有苗

送鄭憲使葵山轉湖藩

簡書萬里下承明南國山川壯此行班竹岸迴湘女  
廟紫薇花發楚王城即傳高調傾巴客漫擬離騷吊  
屈平襄漢

龍飛天北極萬年豐沛視西京

送張惟本守武昌三首

九江西去洞庭開縹緲槎上漢來青草瘴消湘女  
岸彩雲春滿楚王臺逢時展任驂騮步吊古傷偏鸚  
鵡才同學少年今短髮暮天煙樹共徘徊

晴沙漠漠草離離欲別西亭罷舉卮世路幾看滄海  
變交情元共白頭期窓窺衡阜雲霄近路轉江城夜  
月遲漢代循良今有幾好將經術答昌時

曾叨五馬漢東遊荏苒韶華二十秋王氣故應浮郢  
邸客心猶自統江流樓高黃鶴僊人下雲斷蒼梧帝



子愁覽勝總宜紆麗藻知君文賦古人儔

中秋後四日莓厓竹墟東沙諸公小集乘月汎舟次東沙韻二首

展席秋堂月轉華坐移雲閣俯千家風傳清漏臨關近樹引疎星出郭斜未擬謝莊裁麗賦且隨博望汎靈槎捷書漸報夷氛淨佇聽笙歌遍海涯

碧霄銀闕競妍華星聚慚非荀令家地冷龍蛇常閔寂夜闌河漢欲橫斜臨風忽送千門杵觸石真看八月槎爲語故人須盡醉向來踪跡隔天涯

晦日莓厓邀遊虞氏山亭即席次韻二首

天一閣集卷之十一  
十三  
西園路接紫薇居，僊侶相將秋賞餘。  
日轉庭階萱落盡，風高闕塞鴈來初。  
金尊潋灩呈浮蟻，僊樂淒清出聽魚。  
他日儘堪乘逸興，不煩重展八行書。

曲檻雕欄背郭居，興高徙倚夕陽餘。  
巖城畫角風喧裏，小徑黃花露下初。  
正喜張筵歌有杕，未須彈鋏嘆無魚。  
朋遊四座稱高隱，好報明光咫尺書。

次韻酬東沙二首

海國煙霜伴素居，壯懷猶是昔年餘。  
却堪華館開尊日，正值高城落木初。  
靜裏行藏便水石，醉來人世混龍魚。  
誰言愁似虞卿劇，欲向明時學著書。

偶陪瓊席賦閒居坐對河山落照餘顧我心期慙柳  
下知君文藻逼黃初依依露徑陶潛菊瑟瑟風江張  
翰魚京洛煙塵從此遠逢人休寄絕交書

次韻酬竹墟二首

莽莽乾坤此定居花林鷄犬似秦餘遨遊不負清朝  
約繾綣仍逢五夜初眼底溪山供謝傳坐中風木慘  
皐魚酒闌雄劒還堪舞塞北江南幾戰書

駐馬秋城就隱廬風流賸得竹林賢海雲江樹憑欄  
外越調吳歌對酒前絕塞繁霜迷獨鴈故園耳雨北  
豐年小山叢桂仍攀陟不待淮南招隱篇

春日集東沙宅二首

勝日華堂宴笑頻，高情慷慨重交親。  
初逢江海妖氛淨，倍覺鄉園樂事真。  
莽莽雪雲開暮景，依依梅柳報先春。  
由來郢曲稱難和，不道梁園藻賦新。

湖畔煙扉日夕開，西山爽氣入城來。  
官梅冒雪春應妬，旅鴈嘶風暖欲回。  
嘯傲清時豪客興，留連深夜故人杯。  
即防飛詔來三殿，爕理重資司馬才。

次韻酬荅二首

龍門未厭往來頻，促席停杯意轉親。  
人世百年空浪迹，風塵何地可尋真。  
城邊漏逼星河曙，天上堂開雪

樹春傳與里人誇盛事香山洛社共芳新  
雪後湖天爛熳開衝泥獨馬故須來入門頓覺寒容  
斂探律新逢淑氣回梁月影含蒼玉塵梅風香送紫  
霞杯追隨不盡交懽意眼底朋游總上才

集梁大用宅

綺席宵開共主賓百年朋好最情親杯邀滄海峯頭  
月饌入青溪雨後蘋砌雪河水動餞臘鳳簫龍管暗  
催春徑須酩酊酬佳興莫遣蹉跎負令辰

立春二首

暮天風雪卧江城喜報春歸好鳥鳴四野雲山開盡

天一閣集卷之十一  
去  
陣幾家羅綺按銀筆東皇暗轉蒼龍馭北陸新騰赤  
日精海上更聞征戰罷鼓鼙散作凱歌聲  
鄒律吹爲萬國春江天光景一時新填門花勝人爭  
巧應節椒盤我獨親霽旭漸籠滄海霧輕風不動玉  
關塵欲知今日迂狂興何似當年漉酒人

丙辰除夕

瞬息韶光逼歲除淒涼懷抱極憐予萊庭莫效千齡  
祝鄴架虛稱萬卷書海國經年頻禦寇山林何地可  
投居城隅鐘鼓催元會擬看青陽冉冉舒

丁巳元日

窈窕鴻鈞轉物華陽和次第出天家江梅岸柳堪攀  
折紫燕黃鸝莫怨嗟勲業祇看添白髮生涯無計煉  
丹砂朝來共有祈年祝野市江門笑語譁

次韻元夕後觀燈

天風一夕破沉冥九陌晴暉入翠屏縹緲瑞煙籠曉  
月參差寶炬雜春星秉鰲遙識神僊駕鼓瑟疑聞帝  
子靈共訝寰中春似海遲迴瑤席露華零

東沙宅觀燈次竹墟韻

華燈錯落九枝奇邀賞清宵樂事熙色暎金蓮紛奪  
目香飄玉笋共支頤雲盤樓閣春爭麗天轉星河夜

倒垂已荷時康資帝力頌歌天保祝皇禧

張太守招飲延慶寺次韻

星橋雲閣俯垂楊  
楚舞燕歌對舉觴  
月轉高城沉夕漏  
風來別殿識天香  
百年民物逢開泰  
四座賓朋荷寵光  
促席不辭閭闔曉  
由來意興似高陽

次韻悼許國忠

高門曲巷一經過  
悵念平生竟若何  
彭澤心情捐珮久  
文園憔悴著書多  
魂迷曉蝶松丘夢  
淚洒秋風蒿里歌  
獨有江門雙柳樹  
依然嫵娜拂滄波

次韻竹墟席上喜雨



濕雲繚繞海天東。靈雨垂垂滿眼中。先向簾櫳通爽氣。却從蘭蕙送微風。坐深不覺詩懷動。喜劇頻教酒盞空。身禱回天資令牧。已看歌頌萬人同。

淶口遇蔡衡州子木效其體

江門煙水靜霏微。鷗鳥携群亦上磯。此日過逢須盡興。向來朋侶較全稀。行當岐路難回棹。吏隱名山即采薇。漫遣尺書嘗寂莫。鴈群時向北雲飛。

贈沈總兵紫江

江城斜日水煙和。開府旌旗萬竈羅。海外漸通新貢賦。交南不改舊山河。運籌名重韓安國。破虜功兼馬

伏波細柳垂垂鈴閣靜薰風一曲阜民歌

登太虛樓

滿地西湖攬勝遊開襟特上太虛樓煙霞迥出三千  
界天地平分十二州日擁帆檣來極海風傳簫鼓下  
中流分明蓬島無多路時見祥光座裏浮

水口驛簡省中舊游

東南雄勝古閩州叩命今叨攬轡遊海日迥懸千嶂  
曉天風晴捲亂帆穗十年蹤跡真難定滿地瘡痍苦  
未瘳爲問碧霄鸞鳳侶欲將何術繼名流

晚泊延平

溪山迴合倚丹楓窈窕輕舟坐碧空沙塞正防南牧  
馬海天猶阻北來鴻風飄砧杵高城外月滿關山短  
笛中龍劍不知何處覓徘徊四顧夜濛濛

次韻題東沙石假山

傍湖新構攬幽虛錦石丹峯畫不如北下正隣狂客  
里東封不學茂陵書庭梧日長丹山鳳池藻晴翻丙  
穴魚早歲功成雲卧穩漫勞飛詔促安車

聞海上捷

烽火頻年塞海涯俄傳血戰掃長蛇氣無貔虎輕干  
竈陣列風雲按五花殊伐共歸胡督府徵兵獨數漢

良家天心悔禍從今日爲報狂夷莫亂華

夏日宴東沙山亭

煙峯霞洞插天開問水尋花結驪來却暑興猶河朔  
會揮毫名忝鄴中才沙迴魚鳥依書幌庭曠星河落  
酒杯滄海兵戈新報偃夜深風漏莫頻催

登天封塔同戴時霖少叅周大卿大叅李貞立  
進士

城端危塔擁龍宮曲磴迴廊路轉通斗極平臨天漢  
上日華俯矚海門東珠林暗度千峯雨鈴閣寒生六  
月風把酒和歌傾夙抱浮雲萬里一冥鴻

夜坐

露濕秋城天宇空  
宵闌兀坐廣庭中  
河山影抱娟娟月  
松檜陰生瑟瑟風  
倦客行藏隨逝水  
故人書札滯來鴻  
長安直北頻回首  
未許輕寒入漢宮

送李貢士赴試南畿

伏劍高歌膽氣饒  
秣陵西去陟層霄  
雲蓮驛樹迷三楚  
風捲江流混六朝  
久羨雞林聲價逸  
佇看龍榜姓名標  
關門候吏重逢地  
何似當年駟馬橋

屠氏庄居燕集即簡肅公墓所和東沙二首

東郭邀懽坐不歸  
雨餘草樹競芳菲  
冥心天地人千

古極目雲山海四圍林鳥故調鸞鳳曲巖花欲上綺  
羅衣亦知公子多豪興痛飲狂歌未覺非

溪堂長日對江開江上鳬鷗傍席來日暝墟煙流作  
霧徑深花雨積成苔百年朋好常投轄此夜襟期數  
舉杯爲報淮南招隱客故山猿鶴未應猜

天一閣集卷之十二

四明范欽安卿 著

次韻竹墟生日

降嶽欣逢海國春，謾思往事欲沾巾。  
共推勲伐標炎塞，剩有封章達

紫宸。醉睨乾坤吟咲劇，靜憐魚鳥往來親。  
吾生亦有煙霞癖，待結方舟理釣綸。

次韻竹墟新第燕集

華堂急雨罷淋浪，綺席瓊杯展興長。  
晝永屢移高士榻，風來時送令公香。  
鳥聲巧入宮商調，花暈齊圍錦

繡裳清世燕遊元卜夜不妨羲馭薄扶桑

午日懷周大卿

聲華擅代屬周郎彈劍悲歌興未央五夜聽鍾仍上  
國百年對酒幾端陽地偏魚鴈書簫瑟天入風煙思  
緲茫亟擬投鞭清玉塞待歸鼓柁詠滄浪

西庄燕集和東沙

西園未是兔園遊甬水何如剡水舟尊對青山聊共  
賞調高白雪許誰酬地偏花鳥春常貯天迥星河夜  
不流人世百年真一瞬爲言車馬好淹留

再和竹墟二首



溪林過雨石堂幽。問水尋花此勝遊。已向彩雲催楚  
曲，更邀華月攬吳鉤。喜看沙上鷗群近，擬作淮南桂  
樹留。東下蓬壺纔咫尺，何因聯袂訪浮丘。

滄海煙消盡日清。小堂星聚酒初傾。看雲聽鳥還時  
序，散髮狂歌豈世情。玉漏風飄江外斷，銀河天轉席  
間明。欲知勝事傳鄉國，聲價由來萬鎰輕。

壽戴南江少叅

清朝昆弟擅才雄。時論君尤邁古風。攬轡化行閩海  
上，拂衣歸卧越江東。黃花對酒紆三徑，鴻寶成書陋  
八公。鹿世浮名堪一笑，謾勞獵渭卜非熊。

壽盧總戎鏜

壽星光接將星纒仗鉞俄逢七十年欲傍赤霄扶日月  
早令滄海淨風煙龍門高會西池並麟閣芳名北斗  
懸共羨伏波勤報主攄鞍風度至今傳

簡毛正之

看花結騎越江頭四十年來幾舊遊愧我狂吟餘短  
鬢憐君卧病只滄洲關河露冷來鴻暮海國風高落  
木秋碁局酒杯幽興在可能同泛木蘭舟

初夏八日集全汝禮司空南庄限韻三首

出郭欣當浴佛時開襟同赴故人期門懸溪畔蒼苔

逕坐對風前玉樹枝暄逼關河春鴈杳雨殘江館夕  
陽遲共言佳勝同金谷乘興還來倒酒卮

海國煙消異昔時中林兩罷暢心期溪田泱泱鳴新  
溜庭篠纖纖長故枝白首漫驚辭宦早青春猶負出  
郊遲同遊况屬求羊輩深夜何妨醉玉卮

天街躍馬並朝時華月冷風似有期閣漏早催三殿  
曉宮花春上萬年枝含香笑我程書嬾視草憐君退  
食遲往事淒涼俱莫問賞心且盡掌中卮

送包明臣

煙花三月滿皇州擊劍高譌萬里遊才似馬卿工作

賦情殊王粲倦登樓雨中芳草連天暮江外輕帆帶  
月流見說黃金求駿骨燕臺突兀至今留

送盧總戎鏜解任二首

提師東伐樹勳名解印南歸謝寵榮正擬盟書頒幕  
府翻令謗篋溷承明眠鷗待月移江檻戰馬嘶風戀  
野營借問當年橫海士許身誰更請長纓

鸞駮鶴駕杳難攀玉帶金貂鬢始斑馬援久標銅柱  
績留侯今伴赤松閑釣竿倒掛扶桑樹步履頻過吏  
隱山可道

聖明恩遇薄王門老將幾生還

壽梁大用

前身共說是星精一落人間歲屢更名代詞華秦博  
士及門冠蓋魯諸生狂來白眼頻談劍老去滄江但  
濯纓迂謬獨慙陪洛社南山歌罷若爲情

贈周莓厓督撫江西三首

西土猶聞軫聖衷臺賢節鎮正須公閭閻積苦誅求  
劇疆域新經寇盜雄佇掃妖氛千里淨坐收禾黍萬  
家同笑予持法牽時議待訪遺黎庾嶺東

開府洪都壯麗并相逢誰不羨君行炎天驛路含風  
爽曉日官舡拂浪輕貢水遙無章水潤法星高並將

天明循良四十年來事聞有穹碑滿道橫  
丹詔凌晨下漢宮中丞伏鉞且觀風江山久羨提封  
富楚粵新無節制雄霖雨巧當炎旱候陽春元在雪  
霜中睇閣薛樓游覽地舊題應被碧紗籠

贈張惟本叅政江西二首

朔方靖虜收奇績西省承流藉上才

龍詔故從雙闕下僊帆遙指九江來關城曉啓間鉦  
鼓原野春行闢草萊我亦并州常在念亂雲斜日首  
頻回

豫章西去罷烽煙玉節青霄望若僊廬阜曉雲低拂

樹蠡湖秋水遠浮天  
籌時不負蒼生寄攬勝還成白  
雪篇同學少年今短髮可無魚鴈到江邊

贈沈靜夫大參

使君幽抱抗煙霞景入稀年興轉賒  
避路曾推桓典馬爲園今種邵平瓜  
風花山郭春遊寺霜月江門夜放槎  
玩世祇應傾綠醕延齡何必訪丹沙

送楊丞赴黃岡

楚天霜日澹微微客路迎寒欲授衣  
風捲江流東下急月迷鴻影北來稀  
行春特過黃泥阪吊古時登赤壁磯

朝望家聲俱足紹肯將壯志付輕肥

行次天津寄周大卿

聞君啣命趨閩省悵我先驅入漢關  
萬里川塗一回首十年戎馬共愁顏  
北山猿鶴應貽誚紫極星辰尚可攀  
稍待他年婚嫁畢相將巾屨訪神山

贈周大卿北上三首

幾年高卧越江濱此日真看報

主身客路風煙憐白髮上林花鳥媚青春  
揮毫好獻三都賦策足寧辭萬里津  
爲報寰中人士道素心端不混風塵



楚甸漳河去路長  
薊門雲樹共迷茫  
間身久擬專幽  
壑巖檄重煩下  
建章四海疲民思  
稅駕萬年

明主待垂裳  
濟時勲業歸公等  
江畔何妨有釣航  
落日離亭罷酒尊  
雙旌搖曳出江村  
上書不到平津  
邸待詔先趨金馬  
門幾憶清班供法  
從獨憐芳草伴  
王孫

廟謨亟擬收群策  
慷慨寧忘醉後論

酬西亭中尉

越雪嵩雲歲屢除  
主孫懷抱欲何如  
時從絕代瞻靈  
鳥忽睹長河寄鯉魚  
月滿兔園紛授簡  
山盤石室好

藏書問予出處今何意鹿豕深山已結廬

寄謝茂秦

四溟山人耽遠遊日日風塵使我愁欲問移家依鄴  
邨何如下榻在南州雲迷少室三花樹天斷黃河九  
曲流雪水稽山曾有約何時共爾駕扁舟

送祠部柴季東二首

祠部頻年客帝京故鄉持節又西征離心暗逐滄波  
遠逸氣遙連紫極明題柱竟酬當日志棄繻何負昔  
賢名金門鐘動催珂馬猶憶僊班萬歲聲

鳳城龍闕九秋開玉節琅函報命來白浪漫衝揚子

渡黃金且上郭生臺萬年禮樂逢

明主五夜星辰接上台獻賦稱歌傳往事壯心不數  
漢廷才

送顧山人聖少遊天台

萬峯東下海門迴曠覽重憐司馬才玉檢細探方禹  
穴石梁遙躡更天台杯空倒映江山出地迥平臨日  
月開昨夜偶逢青鳥使已傳名籍在蓬萊

中元日簡梁大用

天到中元月倍明故人何事偃柴荆豈緣骨肉增多  
病謾有心期樂此生三徑不妨窮日醉百年能得幾

宵晴朱顏白髮須臾事誰見僊人拔宅行

秋日閒居五首

一被

恩綸迓故山幾從鏡裏攬秋顏非才自覺滄洲穩寡  
慮真看白晝閒四海風塵高枕外百年懷抱放歌間  
鷗夷本是吾宗彥片舸遺風尚足攀

城居心遠即林丘草閣花蹊數散愁世路幾看滄海  
變野情常共白雲浮澄湖積水長天盡疎柳寒蟬落  
日留擬學閉關猶未得酒朋詩社坐相求

謾說年來學閉關直將心跡企商山行天日月兩丸

轉倦雨蛟龍一壑閑不遣緇塵侵谷口也知閑苑亦  
人間淮南叢桂年年發擬結幽人一往還

淡雲疎雨淨涼天白石清泉並可憐浪跡乾坤終日  
瞢浮名今古幾人傳月移林影來溪上風裊松聲落  
枕邊龐老鹿門彭澤徑當年高躅許當緣  
野性由來戀故林况逢秋色洗愁襟探源僻徑行常  
遠卧月清溪夢亦深瀛島獨懸滄海上僊人可住白  
雲岑可誰共策盧敖杖瓊樹青峯次第尋

依韻酬東沙見懷

司馬移家傍十洲琪花開遍羽人丘沙邊白石便高

卧眼底蒼生繫隱憂自信素心激若水肯隨流浴曲  
如鈎懷入牋有陽春調何似山陰雪夜舟

和東沙秋日漫興六首

忽漫天風吹鷗冠滿林秋色動高寒低空霧映千門  
白卧壑霜酣萬木丹靜影祗憐南鴈下壯心時傍北  
雲看玉琴山水年年在誰遣知音取次彈

捐珮歸來杜若洲可堪目斷薊門秋天盤河嶽三千  
界霜老煙花十二樓朗照獨違滄海窟輕寒誰處翠  
雲裘年華寂莫丰容改汀柳江楓綰暮愁

年來學戴竹皮冠水國栖遲畏早寒翫物儘餘雙眼

碧憤時空抱寸心丹朔雲燕鴈愁邊賦匣劍囊金醉  
裏看亦是江州老司馬琵琶愁向夜深彈

背郭堂開綠水洲白蘋紅蓼可憐穠閒雲伴我中林  
坐明月懷人何處樓遠道夢迴龍虎闕早寒思理鷗  
鷺裘遭時未似張平子嬾慢無心擬四愁

偶值清時早掛冠綈袍誰問故人寒臨溪獨對鷗群  
白調露新誇鶴頂丹海畔蛟龍眠未穩夜中星斗倦  
猶看羞將瑤瑟投時好徙倚齊門未敢彈

聞說僊人隱十洲瑤花瑤草領春秋間身欲放溪頭  
舸逸興先飛海上樓玉女曲傳丹鳳譜青童蹕進紫

霞裛精華未竭，褰裳去炎日。剛風萬里愁。

病中奉懷同社諸公五首

張司馬

歸卧東山春復春，不聞徵拜下

楓宸。兩都司馬勲名舊，四海蒼生屬望頻。每回雲霄占氣色，早從龍馬識風神。祗今夢卜勤

明主，肯使滄江狎釣綸。

全學士

籍籍芳聲振玉堂，揆天詞賦擅長楊。何期勁氣妨時貴，却使高車返故鄉。天路冥鴻真避弋，郊原棲鳳定



朝陽可憐林壑追隨地肺病秋來罷舉觴

屠司馬

功成百戰薄封侯投劾歸來半白頭觸眼風波驚往  
事放懷天地攬清遊賭棊晚結東山社擊劍時登滄  
海樓只恐簡書催物役滿林猿鶴不禁愁

周中丞

青萍蒼髮共翩翩恰是中丞得意年立馬獨清梅嶺  
外塞帷重過楚江邊官家歲急逋中賦野老春荒戰  
後田經畧心勞書未達斷鴻踈柳隔風煙

梁廣文

絳帳傳經望不虛茂陵多病近何如閒情元亮初裁  
賦失意虞卿早著書靜裏煙霞雙短屐醉中天地一  
蘧廬攀雲翫月秋偏勝語笑無因對廣除

賦得西湖贈楊別駕二首

聖湖風物冠南州碧水蒼山夾翠樓瓊樹似隣三島  
路畫舫不斷四時遊坡僊醉裏完公事逋老吟邊送  
遠眸雅興知君應不減花晨月夕恣淹留

六橋水抱鶴亭開三竺峯從天目來香嫋綺羅花外  
簇波涵魚鳥鏡中迴輞川盡入王維品郡閣詩成謝  
眺才游覽邇來頻入夢與君何日對啣杯

中秋無月

桂輪何地獨分明  
徙倚清宵思未平  
雲裏靈槎迷極漢  
風飄玉杵閉空城  
冥冥烏鵲橋邊渡  
瑟瑟關山笛裏情  
可道青娥渾不如  
九天銀闕許誰行

挽梁大用二首

廣文聲價滿南州  
捐珮歸來未白頭  
藝菊正紆三徑賞  
騎箕何意九霄遊  
雲開丹旆踈秋影  
風捲滄江咽暝流  
英俊及門知不少  
滿床文章竟誰收

路岐生死各迷茫  
隣笛聽來倍感傷  
掛劍祇攀丘隴樹  
放歌誰並竹林觴  
愁鵲聲斷千峯曙  
歸鶴魂迷滿

徑霜獨有海門今夜月還流寒影下虛堂

鄴上留別謝茂秦

鳳城煙月憶同遊客路過逢半白頭賦似相如傾漢  
代身猶王粲客荊州雁嘶芳甸迷春草天斷長河急  
暝流同抱相看不同發參差龍劍重淹留

送何古陽撫江西二首

龍勅熊轡寵命崇清朝臺望協群公嵩行風物揮毫  
外吳楚封疆攬轡中訪士獨高徐孺節振衣不愧象  
山風百城父老懽相迓待琢豐碑勒上功  
檄書南北歲無休眼底西江更可憂烽火夜侵廬阜

月河渠春漲贛江流遺民伏軾期寬賦上將登壇責  
伐謀共道憫時心獨切題封計日上宸旒

會稽葉陳二令見訪

雪舟夜泊越江干候曉勞君並馬看龍榜早推唐進  
士銅章今領漢郎官兵戈觸目南征急貢稅關心北  
上難暫向山城栖枳棘待歸僊掖綴鸛鸞

山行荅竹墟

西山風物淨高秋入眼何人愜勝遊敢擬閑居同管  
樂祇應避世學巢由穿林鹿豕時窺蓋卧壑魚龍久  
避鈎東下江城渺何許不禁伐木思悠悠

屠國泰慕雲庄賞菊二首

十月江門暖不稀，君家叢菊正芳菲。  
亭亭獨抱凌霜朵，奕奕交呈映日輝。  
洛浦珮環風際裊，鄴臺羅綺霧中圍。  
憑軒對酒情何極，遮莫香魂點客衣。

菊筵邀賞擅風流，此是名園第二遊。  
寒影巧依書閣靜，繁香細傍酒卮浮。  
移燈轉覺紆青眼，插帽從教笑白頭。  
候火臨門催夜發，冷風斜月引歸舟。

秋日黃鶴樓

黃鶴樓畔鳥交啼，鸚鵡洲邊沙草萋。  
落日山川一把酒，荒臺今古幾留題。  
東下決雲江溜急，南來避雪塞

鴻低故鄉何處堪回首越嶠兵關望轉迷

送長兄葬

地老天荒恨獨長物華飄轉感年光  
顚從東閣瞻荆樹淚向西風憶鴈行  
去住心情同惘恍幽明岐路各淒涼  
承家知有諸郎在何日貤恩下建章

東沙宅賞牡丹限韻二首

司馬園中足寄懽彈碁欲罷且憑闌  
湖光縹緲迴涵碧名花信差池到牡丹  
不藉綺羅留晚照獨教簾幙護輕寒  
解龜買醉非難事只恐壚頭酒易乾

江門三月花爭發却愛名花傍石闌  
密葉迎風齊汎

綠竒葩含霧獨舒丹影穿繡幕晴逾麗香襲沉爐夜  
不寒可道花神渾欲泣向來清露未曾乾

壽毛百川

半刺名馳洱海濱賦歸早已謝風塵  
垂竿漫學蟠溪叟對酒時過洛社賓  
身歷四朝神獨健業存三徑道何貧  
春來最喜逢華旦瑶草瓊枝歲共新

壽馮貞所司寇

靈山當日降生申七十重逢甲子新  
平寇獨畱南徼烈避賢早乞茂陵身  
枕歌風月詩千卷閣對江山酒幾巡  
見說子牟猶戀主夢魂時復上楓宸



送陸簿謫官潁川

清時謫宦使人驚  
路指淮南幾日程  
祗道徵科寬尹鐸  
那知譽問後王成  
秣陵御氣層霄近  
牛渚榮光徹夜明  
共道平原高興在  
肯令華髮鏡中生

送益陽楊簿

竹符新剖

聖恩優何似當年  
老督郵  
芳草晝迷三楚路  
輕帆春汴九江流  
樓標黃鶴僊人逝  
雲鎖蒼梧帝子愁  
臨眺未應妨簿領  
閒將詩賦繼名流

舟行小溪觀競渡

石瀨沿河引興長畫舫簫鼓坐相將數家帘影懸虛閣獨樹蟬聲送夕陽野直女牛疑上漢賦裁蘭杜欲投湘五湖煙景年年在一舸鴟夷興不忘

贈東沙司馬赴金陵次留別韻二首

虎節龍函下帝廬班高八座古尚書極知鎖鑰留京重擬遣烽煙海島疎乘日放舟堪浩渺撫時擊劍慢躊躇萬年留後今姪旦况復家聲世佩魚

王氣崢嶸二百秋石城鍾阜跨平疇雲風尚識

高皇畧戎馬真寬

聖主憂天慙西來盤極海僊帆東下指丹丘佇聆嚴

召光台席一德無煩夢卜求

法華寺

依微雙樹梵王家  
峯盡林開路轉賒  
香竈風生翻貝葉  
石壇雲靜落天花  
何顯好佛身常健  
支遁開山興未涯  
碧海黃塵俱莫問  
籃輿芒屨領年華

再遊金峨寺二首

突向天中懸絕障  
更從雲裏構危亭  
地隣滄海虬龍結  
門對東山魃草樹青  
行入畫橋流瀾瀾  
坐臨香閣霧冥冥  
即看片偈通禪界  
還認孤槎是客星

酒闌長嘯上層臺  
貝闕珠宮鎖碧苔  
入眼江山千里

盡盪胸煙霧九秋開虹懸絕澗水東下霜裊長天鴈  
北來勝地屢誇塵土遠玉禾瑤草總須栽

生日

轉眼流光六十種撫時懷舊思悠悠芸窓雪日疲青  
簡陸海風塵笑白頭戀闕馬牛心獨遠遠親風木涕  
長流邇來婚嫁稱初畢五岳三山擬並遊

遊東沙茂嶼莊

中宵紫氣燭星纏宜有高人住洞天霧閣雲窓開窈  
窕花林竹徑鎖潺湲春來不倦登山屐客至常停問  
字舡我亦嬾同嵇叔夜幾時重借石牀眠

壽董白坡

華堂高宴促清謳四座冠裳上壽籌最美承家存節  
槩早聞佐郡擅風流香清芸閣開書帙浪煖花溪隱  
釣舟莫問僊人雲海路太平身世即丹丘

用韻答吳惟直

眼底深交我與公無端世路逐飛蓬新穰門徑張羅  
外故國山川對酒中姓字漫標蓬海籍夢魂不到建  
章宮由來厚祿慙無補敢向人前說戰功

用韻答包明臣

頻年牢落市朝間偶爾歸來鬢已班正喜鴟夷全未

天一閣集卷之三  
路敢云安石起東山  
鼇風曲圃寒花綻  
斜日深林倦  
鳥還不似終南高  
索價浮名今古幾人閒

用韻荅李賓甫

一謝春明歸海東  
五看鼇水度征鴻  
晴窓散帙松風靜  
虛閣憑欄海月空  
自抱長鏡親稼穡  
肯將孤劍倚崆峒  
恠來詩思常清逸  
絕有君家太白風

賀包蘊之新居

桃花津口簇晴霞  
柱史街前並列衙  
穿徑故臨三島路  
放歌時上五溪槎  
已聞庭鳳移新竹  
更喜階蘭茁  
早芽他日里門還  
截莫共言陰德似于家

君嘗爲  
理官

壽包子和

早年聲跡徧天涯  
晚歲心情攬釣槎  
蒼玉管邊追逸  
少青蛇劍裏識張華  
避時不展侯門刺  
愛客常停長者車  
恠我穉來猶病肺  
欲從君處乞丹砂

和東沙八至茂嶼庄韻二首

世路蒼涼笑此身  
誰從物外覓高憐  
欲知滄海洲邊  
客元是玄都觀裏人  
鍊藥幾回增道氣  
閉關終日少風塵  
渡頭挑葉傳高詠  
不藉滄浪興亦新

清朝未老即抽身  
猶向青山自結隣  
醉後湖江雙短  
棹嘯中天地一閒人  
月來鶴破花階夢  
雨罷龍消水

霧塵一自劉郎僊隱去碧溪無路覓芳新

壽大叅陳時卿

鳴珂舊並長安騎上壽今開故國尊夢裏年華一回  
首醉來世事幾堪論樗才自合栖愚谷門望還應沐  
主恩昨夜偶占天漢路祥光遙接壽星垣

和周大卿喜得致仕報韻二首

優詔俄聞下九天閒心今喜得歸田北山猿鳥迎逋  
客瀛海班行列上僊兩袖清風開去路一帆華月引  
詩篇行藏脫洒真難事抗疏簪獨尔虔  
興來抱犢向江天猶少蘇卿負郭田俊望獨違天下



士閒身一似閨中僊花林隱約清霄夢山館蒼涼自  
雪篇莫訝攀轅麾不去百城父老意真虔

和東沙入村居之作

興來一往白雲鄉幽勝還同綠野堂風葉滿床天瑟  
瑟露華浮砌月蒼蒼聞鷄有恨思劉石歌鳳何心學  
楚狂爲語當年持柄客可令耆碩老壺觴

天一閣集卷之十二